

後漢書疏證

後漢書疏證卷六

吳 沈欽韓撰

崔駰傳 生無妄之世

楚策朱英謂春申君曰今君處無妄之世以事無妄之主

注 鄭玄云謂飾其容而見於外曰冶

惠棟周易注疏曰野容謂婦人出無擁蔽猶野處也列女傳頌曰孟姬好禮執節甚公辟嫌遠別終不野容是其義也按鄭及虞氏易冶容並作野容王弼本作冶耳

注引鄭義而作冶非也

虞注三動成乾爲野坎水爲淫

坤潛思於至蹟兮

呂覽貴因篇坤立安坐注坤正也虞翻注探嘖索隱云嘖初也

少遊太學

御覽

四百六十七

東觀記曰崔駰學於太學而糧盡鄧衛尉

欲餼焉而未果李彥九歲以其父命往見衛尉曰施不必豐期於救乏崔生臣父之執也不幸而貧公許振之有日矣嘉貺未至或欲豐之乃致之乎若曰家物少須租入是猶古人欲決江海以救牛蹠之類也鄧公曰諾

作達旨

文心雕龍雜文篇崔駰達旨吐典言之裁

紛纒塞路

廣雅釋訓紛纒不善也曹憲音纒女交奴孔二切

注 墨子曰昔夏后開冶使飛廉析金於山

冶字衍文見墨子耕柱篇

褰裳濡足

文子微明篇爭魚者濡逐獸者趨

注 廣雅云躡持也

按此躡字當作攬說文攬理持也史記日者傳作獵纒

坏冶一陶

注引郭璞曰坏胎物之始按郭注胚胎未成亦物之始

也說文婦孕一月為胚坏邱再成者也一曰女牢燒按

牢涉下填字而誤類篇云瓦未燒坏與胚義別注兩引非

考毗以求舉

釋言夸毗體柔也注屈己卑身以柔順人也

起威於夾谷

寰宇記夾谷山在海州懷仁縣西三十八里春秋公會

齊侯於夾谷即此此因東海有祝其縣而傅會也齊魯

會地應各在境上何用遠至海隅至今海州贛榆縣界

一統志夾谷峪在泰安府萊蕪縣南三十里接新泰縣

界明統志又云夾谷山在濟南府淄川縣西南三十里
舊名祝其山其陽卽齊魯會盟之處萌水發源於此方
輿紀要從之顧炎武曰齊魯之境正在萊蕪東至淄川
則已入齊地百餘里

柯盟

方輿紀要東阿故城在東阿縣西二十五里齊之柯邑
樹功於柏舉

元和志龜頭山在黃州麻城縣東南八十里舉水所出
吳楚戰於柏舉卽此

展季效貞於門女

注韓詩外傳云云按外傳無之此事出毛詩巷伯傳荀

子大略篇柳下惠與後門者同衣而不見疑非一日之

閒也卽不逮門之女也

家語好生篇襲之

列子楊朱篇展季矜

貞之郵

音尤

以放寡宗

注少宗系也

顏回明仁於度穀

韓詩外傳

二

顏淵侍坐魯定公於臺東野畢御馬於臺

下定公曰善哉東野畢之御顏淵曰善則善矣其馬將

佚矣俄而殿人以東野畢馬敗聞此度穀事應是也荀

子哀公篇家語顏回新序五竝同莊子達生呂覽述威

作顏闔

駟上四巡頌

藝文類聚有崔駟東巡頌

與白衣會

白衣蓋深衣士庶通服詩麻衣如雪箋云麻衣深衣也
晉宋諸史法當免官者皆白衣領職魏書恩倖傳趙修
給事東宮爲白衣左右又茹皓充高祖白衣左右此則
未授官者曰白衣如州府給使亦曰白直也周輝清波
雜誌前此仕族子弟未授官者皆衣白今非跨馬及弔
慰不敢用

在賤而望貴者惑也

望責也史記陳餘傳不意君之望臣深也索隱云望怨責也

不驕傲者未之有也

韓非解老篇富貴至則衣食美衣食美則驕心生驕心生則行邪僻而動棄禮

注 禮漫漫兮

按禮當作糺古禮字作凵與糺字相亂

注 擢丹爲長樂尉

按文少一衛字

長岑長

遼史地理志崇州隆安軍本漢長岑縣地按在今奉天
府承德縣東

所著詩賦

藝文類聚有崔駰安豐侯大將軍西征賦反都賦大將
軍臨洛觀賦北堂書鈔有羽扇賦

銘頌

藝文類聚有崔駰鞞銘車左車右車後三銘竇將軍鼎
銘仲山父鼎銘尊銘續見前北堂書鈔有崔駰六安枕銘

扇銘舊唐志崔駰集十卷

七依

文心雕龍雜文篇崔駰七依入博雅之巧藝文類聚載
之中云彭蠡之鳥萬萬而羣荆山之獸億億而屯措語
殊拙

婚禮

北堂書鈔崔駰婚禮文溫如蒲葦固以膠漆

瑗傳東郡發干獄

山東通志發干城在東昌府堂邑縣西南五十里

陳禪爲司隸校尉

按禪爲閭顯長史位冠羣寮顯誅反遷司隸校尉其下
掾屬皆至罷斥禪又復敢證援此必有禪潛誅輸誠之

事不則理難通也史文褻奪可恨

開稻田數百頃

北堂書鈔崔氏集曰有澤田不殖五穀瑗爲開澮興造

崔蒲之地更爲沃壤民賴其利御覽

二百六十八

崔氏家傳

曰長老歌之曰天降神明君錫我仁慈父臨民布德澤

恩惠施以序穿溝廣灌溉決渠作其雨

所著賦碑銘

藝文類聚有崔瑗遺葛龔佩銘三子釵銘北堂書鈔有

柏枕銘

七蘇

後漢書 卷之六
文心雕龍雜文篇崔瑗七厲植義純正不知劉勰何以
云七厲也又云惟七厲敘賢歸以儒道雖文非拔羣而
意實卓爾矣

南陽文學官志

御覽

五百三十四

有崔瑗南陽文學頌

歎詞

文心雕龍哀弔篇後漢汝陽王亡崔瑗作哀辭始變前
式然履突鬼門怪而不辭駕龍乘雲仙而不哀又卒章
五言頗似歌謠亦彷彿乎漢武也

草書勢

晉書衛恆傳恆序曰漢興而有草書勢不知作者姓名至章帝時齊相杜度號善作篇後有崔瑗崔寔亦皆稱工杜氏殺字甚安而書體微瘦崔氏甚得筆勢而結字小疏舊唐志崔瑗集五卷

寔傳
補綻決壞

注引內則胡三省曰此當以補綴爲義不得如內則作衣縫解義也按郭茂倩樂府豔歌行云故衣誰當補新衣誰當綻綻與補義竝同

遭時定制

文子上義篇聖人法與時變禮與俗化衣服器械各便

其用法度制令各因其宜

不知樂成況可慮始

商子更法篇民不可與慮始可與樂成功

注 鑾設於鑣和設於軾

注家說鸞在鑣在衡不同五經異義曰乘車置鸞於衡
田車置鸞於鑣玉藻正義曰鸞在衡謂平常所乘之車
若田獵之車則鸞在鑣也

以嚴致平非以寬致平也

按寔揣桓帝之世諷其綜覈名實刑賞由己出可也若
欲以深文峻法迫脅宇內迹其時公卿牧守相斃於獄

多矣究其故則宦賢鴟張吞噬善類繼及靈帝毒骸益熾比室思亂卒底於亡書生哆口談論不深惟正本清原徒見綱紀廢弛官局離次而曰刑之不立安得爲通論哉

見吏則衣草而出

御覽

八百二十六

崔元始政論曰僕前爲五原太守上地不

知緝織至冬緝草卧其中若見吏以草纏身令人酸鼻吾乃賣儲峙得二十餘萬詣雁門廣武迎織師使巧手作機及紡以教民織具以上聞

日知錄今大同人多是
如此婦人出草則穿紙

袴鹽鐵論輕重篇邊郡父子夫婦內藏於專室土園之

中

練縵之具

集韻練絡屬後漢禰衡著練巾晉書王導傳帑藏空竭
有練數千端陳書姚察傳私門生送南布一端花練一
匹范成大桂海虞衡志練子出兩江州峒大略似苧布
有花紋者謂之花練土人亦自貴重

所著凡十五篇

藝文類聚有崔寔大赦賦

寔從兄烈

世說注摯虞文章志曰烈字威考

孔彪碑
陰同

靈帝時封陽

平亭矣而錢大昭補表遺之

可至千萬

王觀國學林曰千萬者一萬緡也五百萬者五千緡也
按意林引風俗通云千金百萬錢也然則千萬者黃金
萬斤也

注 說文曰郿引爲價也

按說文邑部郿字無此義廣雅賑當也廣韻云賑物相

當也

類篇賑又於建切

程夫人

按夫人當作大人卽中官程璜此與袁宏紀同誤天子

臨軒不容有婦人在側也齊桓公御婦人而朝此俗說耳

銅臭

水經注

湘水篇

重安縣東略塘相傳云中有銅神水輒變

緣作銅腥魚爲之死此銅臭之證

注 家語曰曾子耘瓜誤傷其根曾皙怒建大杖以擊其首曾子仆地不知人有頃乃蘇孔子聞之怒謂門弟子曰參來勿內也昔瞽瞍有子曰舜瞽瞍欲使之未嘗不往欲殺之未嘗可得

按擊其首當作背未嘗不往則當作在側

鈞與袁紹俱起兵

晉書輿服志漢末王公名士多委正服以幅巾爲雅是以袁紹崔鈞之徒雖爲將帥皆著縑巾卽此崔鈞也短書訛鈞爲豹

論注 赬乾

按乾下少一雉字

周變等傳序 遺以生蒜

御覽八百四十一

穀部引作生麻

姚之鵬本東觀記同

非也麻非煩人

之物羣芳譜論蒜云辛能散氣熱能助火傷肺損目伐性昏神生食增志熟食發淫

投劾而去

魏志鍾繇傳注繇上書自劾上某事云云中言謹按某官繇無狀云云謹以劾其式如此

周欽頤折頤

注云欽或作頤按說文頤謙兒玉篇倉頡云狹面銳頤之兒五檢切又頤說文字低頭也左傳云逆于門者頤之而已玉篇音欽曲頤也今左傳別作頤字集韻類篇因頤頤竝列非也此欽是頤之誤

注 伏羲牛首

按路史前紀引此傳注云伏羲麟身牛首

道生送敬

送敬卽馮良之送禮注不當爲異解縣承王命以玄纁羔幣送其家不起則須詣縣廷還之也然變汝南人而到潁川陽城送敬不可解

變良年皆七十餘終

眞誥稽神樞四馮良年六十七乃棄世東渡入山今在

鹿迹洞中

山在南徐州界

黃憲注 南陽有慎陽國

按文當云順陽侯國監本關本皆誤

前至袁闕所

注一作閩按閩與閩同郡竝有名故易亂劉孝標世說注汝南先賢傳云閩字奉高友黃叔度於童齒則與叔度最親者閩也又云閩爲慎陽人與憲同縣考王龔傳龔於安帝末爲汝南太守閩爲功曹是時已辟召黃憲閩之名輩實在閩先閩是袁安立孫汝陽人卒於靈帝中平之年年五十七恐未能與叔度並列也當作閩無疑

譬諸汎濫 注 爾雅曰側出汎泉正出濫泉汎音軌

按爾雅汎泉字當作汎音軌劉熙釋名汎軌也流狹而長如車軌也正文汎及音軌字皆誤雜本逕音範益非

憲初舉孝廉

陶潛羣輔錄汝南六孝廉周子居黃叔度艾伯堅鄧伯
向封武興盛孔叔太守李俛選此六人以應歲舉受版
未行俛死子居等遂駐行喪俛妻於舅側下帷見之厲
以宜行子居曰不有行者莫宣公不有止者莫卹居於
是與伯堅卽日辭行封黃四人留隨柩車見杜元凱女
記按風俗通十反篇亦載此事周子居名乘封武興名
祈艾鄧盛三人當考

徐釋豫章南昌人也

世說言語篇徐孺子年九歲嘗月下戲人語之曰若令

月中無物當極明邪徐曰不然譬如人眼中有瞳子無此必不明

請署功曹

北堂書鈔漢雜事曰陳蕃請徐穉爲功曹及師友祭酒特設東面之坐重席漆几以候之

僕射胡廣等上疏薦穉

通鑑考異云延熹二年廣已爲太尉按本傳延熹二年廣爲太尉坐梁冀免後無爲尙書事碑則有自尙書令遷太僕太常廣與陳蕃同薦穉應在其時也與僕射稍異耳亦不必在二年袁宏紀薦五處士但言陳蕃無胡

廣

瓊卒歸葬

一統志黃瓊墓在德安府安陸縣西三十里白兆山下
藝文類聚海內士品曰徐孺子常事江夏黃公公卒孺
子往會葬無資以自致齋磨鏡具自隨每至所在賃磨
鏡取給然後得前既至祭畢而退御覽七百十七益部
耆舊傳杜真孟宗周
覽求師經歷齊魯資用將乏磨
鏡自給此磨鏡事之同者也

不告姓名

袁紀曰推問喪宰曰頃寧言書生來邪對曰先時有一
書生來衣麤薄而哭之哀不記姓名僉曰必孺子也

固病不詣

按病上當有辭字

不犯其閭

水經注

贛水

北歷南塘塘之東有徐孺子宅際湖南

小洲上宋曾鞏記云章水經南昌城西歷白社其西有孺子墓又北歷南塘其東爲東湖湖南小洲上有孺子宅號孺子臺寰宇記徐孺子宅在洪州東北三里

李曇字雲

羣輔錄字子雲此脫子字

姜肱

徵肱爲太守

按蔡邕伯淮碑風俗通袁宏紀抱朴子逸民篇俱云隄
爲太守

注 王道爲化

按王當作堯

弟子陳留劉操

按蔡邕碑文作從遊弟子陳留申屠蟠等

申屠蟠時年十五爲諸生進諫曰

御覽四百四十一杜預女記曰申徒子龍奏記於縣曰伏聞

大女緜玉爲父報讎獄已決不勝感悼之情敢陳所聞
昔太原周黨感春秋義辭師復讎論者猶高其節況玉

女弱耳無所聞心無所激內無同生之謀外無交遊之助直推父子之情奮發怒之心手刃刺讎僵尸流血當時聞之人無勇怯莫不彊膽增氣輕身殉義攘袂高談稱羨今聞玉幽執弇檻罪名已定皆心低意沮悵恨長歎蟠雖愚昧以爲玉之節義歷代未有實足以感無恥之孤激忍辱之子假玉不值明時尙望追旌閭墓顯異後嗣況事在清聽不加八議哀矜之貸誠爲明廷惜之

博貫五經

高士傳曰蟠治京氏易嚴氏春秋小戴禮三業先通

爲封傳護送

傳過所也唐衛禁律諸不應度關而給過所若冒名請
度所而度者各徒一年

楊震傳 八世祖喜 高祖敝

按前書功臣表及楊敝傳不言敝出自楊喜恐不免傳
會而唐書世系表據後來譜牒云喜生敷字伯宗敷生
肩字母害肩生敝字君平考漢表曰敷曰毋害無字伯
宗名肩此則初其先者自造之隸釋楊震碑云聖漢龍
興楊熹佐命克項於垓若系連於敝碑不應略之又案
御覽七百五孫暢之述畫曰漢靈帝詔蔡邕圖赤泉侯楊
喜五世將相形象於省中詔邕爲讚仍令自書之備三

美矣考靈帝時楊震至賜僅三世爲三公云五世將相則數喜并及敬與

注 續漢志曰教授二十餘年

按志當作書御覽九百九十六引爲謝承書

注 假地種植

計敏夫唐詩紀事吳融詩自注云阿對是楊伯起家僮嘗引泉灌蔬至今阿對泉尙在一統志阿對泉在陝州閩鄉縣西五十里

冠雀銜三鱣魚

莊子寓言作觀雀音義云觀本亦作鸛與此冠爵同注

云鱣鱣古字通用荀子王制鱣鱣孕別之時富國篇鱣
鱣以時別一而成羣韓非子說林鱣似蛇是皆作鱣也

集御覽者乃誤
以爲鱣飾之鱣

蛇鱣者卿大夫服之象

羅願爾雅翼狀既似蛇又夏月於淺水中作窟如蛇冬
蟄而夏出故亦名蛇鱣荀卿子蟹非蛇鱣之穴無所寄

託一切經音義纂
文云鱣蛇魚也

舉茂才四遷荊州刺史

隸釋太尉楊公碑舉茂才除襄成令遷荊州刺史按漢
制舉茂才者例爲令令則直遷刺史不須四遷也四字

衍

何謂無知

一統志四知廟在萊州府昌邑縣治東北姚之駟云今萊州郡堂皇上額曰四知

舉薦明經名士

月令注名士不仕者

財盡則怨力盡則叛

文子上仁篤力勤財盡有且無暮君臣相疾

城西夕陽亭

伽藍記洛陽城西張方橋卽漢之夕陽亭一統志唐時

爲餞送之所更名河亭

引農太守移良

廣韻引風俗通與此移良同元和姓纂作靳云漢有引農太守靳良姓苑云靳春侯之後

代郵行書

此如今之鋪卒遞公文者是也世說任誕篇殷洪喬不能作致書郵蓋郵卒本雇人爲之今震諸子以罪謫使代也金史泰和六年初置急遞鋪腰鈴傳遞日行三百里

除二子爲耶

隸釋沛相楊統碑孝順皇帝西巡以掾史召見帝嘉其忠臣之苗裔詔拜郎中是不獨二子爲郎又恩及其孫華陰潼亭

華陰縣志墓在今縣東三十里潼關西七里

牧孫奇

北堂書鈔謝承書曰奇字公綽通經才性敏暢入補侍中天子所問引經據義靡不條對按隸釋震碑云長子牧富波侯相次讓趙常山相次秉次奉黃門侍郎牧子統金城太守沛相讓子著高陽令皆以宰府爲官奉遵先訓據碑震惟有四子傳言五子誤也

亮爲陽城亭侯

錢大昭補表云潁川縣亭按文當是追封奇爲陽成亭侯子亮襲爵

乘傳故吏齎錢百萬

姚本謝承書任城故孝廉景慮

幸河南尹梁胤府舍

袁宏紀元嘉元年四月己丑上微服幸河南尹梁不疑府是日大風尙書楊秉諫云云梁冀傳以其子胤爲河南尹在元嘉初元之後袁紀儻是

注 閔子騫之辭

按騫當作馬閔馬父也

延熹二年白馬令李雲以諫受罪

袁紀李雲事在二年此傳與紀同在三年然誅梁冀立
皇后皆在二年雲上書指此二事當從袁紀推校第五
種及秉傳定在二年則紀言三年正月單超死事無齟
齬也

五年冬代劉矩爲太尉

袁紀七年太尉黃瓊薨秉爲太尉無劉矩爲太尉事此
袁紀之疏

賜
傳字伯獻

謝承書作伯欽

熹平元年青蛇見御座

袁紀爲夏四月甲午

昭公殆以女敗

春秋傳指子儀與厲公前書五行志亦不謂昭公益劉
向不通

二年代唐珍爲司空

靈紀熹平二年正月司空宗俱薨二月以光祿勳楊賜
爲司空秋七月楊賜罷太常唐珍爲司空是楊賜代宗
俱珍代楊賜也袁紀云二年七月賜爲司空三年十二

月以疾策免益疏謬

割用板之恩

隋書百官志梁陳制選官以名帖鶴頭板整威儀送往
得官之家真誥注法書苑云鶴頭蚊腳皆漢詔版所用
各象形幽明錄曰王文度_之鎮廣陵忽見二騶持鶴頭
板來召之王大驚問騶我作何官云尊作平北將軍徐
兗二州刺史王曰我已作此官何故復召邪鬼曰此人
一聞耳今所作乃天上官也

注 長壯大節折腰凸胸年四十行嫁不售

按列女傳壯作指凸作出行作銜四十新序及初學記

竝作三十

注 郭景純注爾雅曰

一切經音義引與此同今釋天注無其語詩正義爾雅

疏引作音義

月令正義引亦作郭氏音義

猥當大問

文選注猥猶曲也

鴻都門下招會羣小

晉書衛恆隸書序曰靈帝好書時多能者而師宜官爲最大則一字徑丈小則方寸千言甚矜其能或時不持錢詣酒家飲因書其壁雇觀者以酬酒討錢足而滅之

每書輒削而焚其柎梁鵠乃益爲版而飲之酒候其醉而竊其柎鵠卒以書至選部尙書李壁王文公詩注時天下工書者皆聚於鴻都門

代劉邵爲司徒

按文當有二年冬三字此傳與紀竝云從光祿勳爲司徒袁紀作太常

畢圭靈琨苑

袁宏紀爲三年事其年夏虎見平樂觀又見憲陵詔問司徒楊賜對曰虎者金行參伐之精很戾之獸也今在位率多奢暴貪殘酷虐乎

中常侍樂松

袁紀作侍中任芝樂松等考異曰松本鴻都文學必非
中常侍

遂固辭

蔡邕楊公碑公作廷尉惟刑之恤旁施四方惟明折獄
據碑所云似賜經爲廷尉也

彪傳注 并盤庚五遷也

書正義汲冢古文云盤庚自奄遷於殷者蓋祖乙圮於
耿遷於奄盤庚自奄遷於殷亳囂相殷與此奄五邦也
是五遷不數盤庚之殷

相國豈樂此邪

按帝紀卓爲相國在中平六年

魯國男子

前書車千秋傳妄一男子無爵命者之稱也晉書皇甫謐傳咸寧初詔曰男子皇甫謐

遂理出彪

魏志滿寵傳寵爲許令太尉楊彪收付縣獄尙書令荀彧少府孔融等竝屬寵但當受辭勿加考掠寵一無所報考訊如法數日求見太祖言之曰楊彪考訊無他辭語當殺者宜先彰其罪此人有名海內若罪不明必大

矢民望竊爲明公惜之太祖卽日赦出彪

修
傳
曹操主簿

世說捷悟篇楊德祖爲魏武主簿時作相國門始構榱桷魏武自出看使人題門作活字便去楊見卽令壞之旣竟曰門中活闕字王正嫌門大也又魏武征袁本初治裝餘有數十斛竹片咸長數寸眾云並不堪用正令燒除太祖思所以用之謂可爲竹裨楯而未顯其言馳使問主簿楊德祖應聲答之與心同眾伏其辨悟

籌操有問外事乃逆爲答記

世說注文士傳曰修常白事知必有反覆教豫爲答對

數紙以次牒之而行敕守者曰白事必敎出相反覆若按此次第連答之已而風吹紙次亂守者不別而遂錯誤公怒推問修慚懼然以所白甚有理終亦是修

遂因事殺之

魏志注典略曰二十四年秋以修前後漏洩言敎交關諸侯乃收殺之是時臨淄侯植以才捷愛幸來意投修植後以驕縱見疏而植故連綴修不止修亦不敢自絕

一 修臨死謂故人曰我固自以死之晚也其意以爲坐曹

一 植也古文苑操與彪書云與足下同海內大義足下不遺以賢子見輔比中國雖靖方外未夷今軍征事

一 大百姓騷擾吾制鍾鼓之音主簿宜守而足子賢子恃豪父之勢每不與吾同懷卽欲直繩願頗恨恨謂其能

改遂將寬舒復卽宥貸將延足下尊門大
累便令刑之念卿父息之情同此悼楚

授光祿大夫

魏志黃初二年冬十月授楊彪光祿大夫裴松之引續
漢書作黃初四年詔拜光祿大夫秩中二千石愚按彪
之苦節幽貞始終如一在魏代欲飾美談以掩篡迹若
著於彪傳徒穢清名袁宏紀削而投之斯爲得體

章八王傳

平春
悼王

一統志平春故城在汝寧府信陽州西北

清河 王慶 置中尉內史

按志當特置內史耳中尉王國自有不獨清河然前書

既云中尉如郡都尉職東京省都尉而不省中尉則未曉

中謁者

續志大長秋屬有中室謁者令中宮謁者此中謁者省文也

與王合葬廣邱

據此則王請葬宋貴人家旁不遂也水經注

河水

甘陵

是周之甘泉市地也陵在瀆北邱墳高巨雖中經發壤猶若層陵矣寰宇記清河王慶陵在貝州清陽縣城內一統志甘陵在廣平府清河縣東南三十里俗名英陵

廣川王

一統志廣川故城在冀州棗強縣東三十里漢屬信都
後漢屬清河國

楊四子皆爲列侯

水經注

七

宋俊爲長垣侯建光元年封錢大昭補表入

諸和帝世顯與本傳及水經注違

濟北

立戰鄉侯安國爲濟北王

錢大昕曰和紀安下無國字

頭不枇沐

廣雅梳枇篋櫛也釋名作比言細相比也史記匈奴傳

比余一徐廣曰或作疏比蒼頡曰靡者爲比麤者爲梳

河間孝王分樂成

按續志河間國治樂成縣此云分樂成者以光武時曾省河間入信都永平中信都又改名樂成此言分樂成王國仍爲河間國一統志誤讀此遂謂樂成河間二國竝在樂成縣不知樂成國自治信都今冀州也

子德爲安平王奉樂成王黨祀

錢大昕曰安帝紀是年與平原王同封者乃濟北王壽之子樂成王萇也其明年爲建光元年鄧太后崩樂成王萇亦以罪廢又明年爲延光元年始改樂成國爲安

平封河間王開子得爲王得與德一人也此傳蓋有脫
文

吳郡沈景

北堂書鈔謝承書曰沈景爲二千石妻子不厯官舍五
日一炊唐書世系表靖字文光濟陰太守避王莽之難

隱居桐柏山三子勳戎茂戎字威卿後漢光祿勳以九

江從事

應是部九江之從事

降劇賊尹良封爲海昏侯辭不就徙

居會稽之烏程戎生四子鄴懿齊恭鄭字聖通零陵太

守四子澹仲高景景河間相元和姓纂景生產產生晃

規宋沈慶之梁沈約並景後也按宋書沈約自序澹之

後爲沈約景之後爲沈演之慶之等

陵曰樂成陵

一統志樂成陵在河間府獻縣治西南縣志今土人呼爲樂陵臺

陵曰博陵

一統志蠡吾侯冢在保定府蠡縣東二里桓帝追崇曰博陵

陵曰慎陵

一統志二王陵在獻縣東南卽敦陵順陵也魏書地形志樂成縣有二王陵

廟曰築廟

檀弓注免言眾多

子開嗣

按開字當誤不應與始封祖同名

城陽懷王分濟陰爲國

據此文則城陽乃濟陰郡之成陽縣在今曹州府濮州東南者是也非省入琅邪之城陽國城陽國今莒州此城字當爲成

廣宗殤王

一統志廣宗故城在廣平府威縣東

平原
懷王葬於京師

東觀記平原王葬鄧太后悲傷命史官述其行迹爲作
傳誄藏於王府

國除

按桓帝更封都鄉侯碩爲平原王奉翼後不可言國除
惟懷王自絕

論 章帝長者從事敦厚繼祀漢室咸其苗裔

按班史贊宣元六王傳曰孝元之後徧有天下然而世
絕於孫豈非天哉蓋深悲之也章帝於中興爲再世之
主耳然其後國統三絕外立四君豈其德之不劭亦運

會使然也有國家者苟其嫡嫡相承國有長君內不藉阿保之委表外無用冢宰之負依寧非厚幸可得以蔓延之枝枿無何而主鬻爲幸哉老成蹙額義夫傷心珥筆者反津津樂道斯爲舛矣

房昫傳 健爲武陽人也六世祖良

何焯曰功臣表元康四年良元孫之子陽陵公乘千秋詔復家是子孫居陽陵無緣徙蜀也千秋當宣帝時已爲良六世孫不應至永元皓猶爲六世孫也蜀志張翼傳皓作浩翼之高祖亦不言其出於留侯愚按唐書世系表知此六世不可通故增之曰千秋生嵩嵩生壯壯

生膺膺生皓千秋於皓爲高祖與留侯相去九世文苑
英華張說撰先府君碑云留侯八葉至東漢司空公皓
與世系表世數同大抵譜系之家得一著姓遙遙華胄
必欲奉之中間數世歇絕則如王偉爲侯景祖考撰立
名字江左中原所謂衣冠膏粱志類是如此

滅騰死罪一等

楊震傳安帝時趙騰伏尸都市順帝時又一趙騰必有
誤

子綱

張說集處士張府君墓銘云皓子字爲北平太守遭漢

亂離家於范陽蓋綱其少子也

徇行風俗

五經文字才部徇辭峻反循也亦作平聲集韻徇使也
松倫切

埋其車輪於洛陽都亭

華陽國志綱出宮垣埋車先奏太尉桓焉司徒劉壽尸
祿素餐不堪其職出城又奏司隸校尉趙峻河南尹梁
不疑汝南太守梁乾等臧穢濁亂檻車送廷尉治罪天
子以乾梁冀叔父貶秩免峻等

按袁宏紀十月辛未桓焉劉壽並罷而趙峻爲

太尉此云免峻等誤也

又奏魯相寇儀儀自殺威風大行羣下莫

不肅懼還冀恨之

親爲卜居宅相田疇

寰宇記張綱溝在廣陵縣東三十里從岱石湖入四里至溝中心與海陵分界按後漢書綱爲廣陵太守勸課農桑於東陵村東開此溝引湖水灌田以此立名

負土成墳

方輿勝覽張綱墓在眉州犍爲縣岵峽山東又云張綱山在犍爲縣東北五里以張綱墓在其側

若喪考妣

按帝紀永嘉元年廣陵賊張嬰等復反攻殺堂邑江都

長則嬰終非善良綱之措後方略亦未爲得宜傳所言
殆過其實

王龔
傳 閩字奉高

世說注汝南先賢傳閩慎陽人友黃叔度於童齒薦陳
仲舉於家巷辟太尉掾卒世說言邊文禮讓見袁奉高
云明府初臨堯德未彰劉孝標辨其未嘗爲太守也

命亟自實

宋史始有自陳之制明史選舉志考察之法京官六年
以己亥之歲四品以上自陳以取上裁自實猶自陳也
織微感慨

莊子至樂篇其始死也我獨何能無槩音義司馬云感也又音骨哀亂兒

以老病乞骸骨

袁紀龔夫人卒與諸子竝扶杖行服是時山陽太守薛勤喪妻不哭將殯臨之曰幸不爲天復何恨哉議者兩譏焉按北堂書鈔謝承書後漢書云汝南薛惇爲北海長史家貧坐無完席妻曰君無俸祿給子孫復無完席邪惇以善席與妻自坐敗者妻慚不敢復言又云薛滄爲漢中太守盛夏但坐板榻上不用席冬坐羊皮考風俗通薛勤亦汝南人惇與滄互異疑皆勤字之誤陳蕃

傳亦作薛勤

注 折枝若今之按摩也

趙岐注折枝按摩折手節解罷枝也唐六典隋太醫令有按摩博士二十人皇朝因之

故晨門

寰宇記古魯城凡有七門次南第二門名石門

先去炮烙之刑

注引列女傳與女不同江鄰幾雜志引陳叔和云漢書作炮呂覽過篇糟邱酒池肉圃爲格雕柱而桔注云格格以銅爲之布火其下卽炮格之事作烙者誤索隱殷

本紀引鄒誕生云爲銅烙炊炭其下烙字明格之訛
暢常布衣皮褥車馬羸敗

北堂書鈔謝承書曰暢拜南陽太守計日受俸不噉魚
肉

建寧元年至明年卒於家

按袁記以爲故司空王暢同李膺等下獄誅范紀則前
司空虞放與杜密李膺等皆下獄考裴松之引張璠漢
紀云暢名在八俊爲司空以水災免而李膺亦免歸故
郡二人以直道不容當時天下以暢膺爲高士會連有
災異而言事者皆言三公非其人宜因其變以暢膺代

則禎祥必至由是宦豎深怨之及膺誅死而暢遂廢終
於家袁紀言誅死者誤

種高王諶名知人

御覽

四百四十四

三輔決錄曰王諶字子嗣博學有才辯洛

陽種景伯武厚

疑原武之譌郭鎮吳雄亦河南人

吳季高未知名諶數

稱二人於朱伯厚有宰輔之器退而語二人曰卿必爲

公後景伯至司徒季高至司空世以是服諶之知人也

今當舉六孝廉

北堂書鈔陳羣同歲論云初選孝廉鄉舉里選郡各一
人後積增益乃至六人按此去和帝時裁三十年而丁

鴻劉方等所定之制已自不行蓋私門競開倖進多方其選不精則仕途可知矣

單駕出迎太子

按太子冲帝也年僅周歲不知迎之何爲史文鹵莽難曉

杜喬等疑不欲從

姚之駟司馬彪書作高襄

今常侍來無詔信

唐書崔神基傳弟神慶轉太子右庶子突厥使者入見皇太子應朝有司移文東宮召太子神慶諫曰古者召

後漢書疏證卷六

浙江書局刊

楊振鎬校

丁立誠校

馮一梅校